



Broj: 0101-5204/26  
Sarajevo, 17.09.2026. godine

Na osnovu člana 71. Zakona o visokom obrazovanju Kantona Sarajevo („Sl. novine Kantona Sarajevo“, broj: 36/22 i 28/25), člana 44. Zakona o zaštiti na radu ("Sl. novine FBiH", br. 79/2020) te člana 115., Statuta Univerziteta u Sarajevu (broj: 01-14-35-1/23 od 26.07.2023. godine), Izmjena i dopuna Statuta (broj: 01-13-121-1/24 od 17.07.2024. godine), Izmjena Statuta (broj: 01-14-19/25 od 26.11.2025. godine), dekan Univerziteta u Sarajevu – Farmaceutskog fakulteta donosi:

## ODLUKU o imenovanju povjerenika za zaštitu na radu

### Član 1.

U skladu sa propisima iz oblasti zaštite na radu, imenuje se **Mediha Čubro**, zaposlena na radnom mjestu samostalne više laborantice na Univerzitetu u Sarajevu – Farmaceutskom fakultetu, za povjerenika za zaštitu na radu do 28.05.2027. godine.

### Član 2.

Imenovano lice iz člana 1. ove Odluke, u okviru svojih nadležnosti, obavlja poslove i zadatke kako slijedi:

- a) informiše se o uvjetima rada, analizama povreda na radu, profesionalnih oboljenja i bolesti vezanih za rad, nalazima i preporukama inspeksijskih organa,
- b) zahtijeva od poslodavca da preduzme odgovarajuće mjere i dostavi mu prijedloge za ublažavanje rizika i otklanjanja izvora opasnosti,
- c) informiše radnike o provođenju mjera zaštite na radu,
- d) zahtijeva inspeksijski pregled ako smatra da mjere koje je preduzeo poslodavac nisu primjerene cilju po kojem treba osigurati sigurne i zdrave uvjete rada i iznese svoja zapažanja u toku inspeksijskog pregleda,
- e) prisustvuje inspeksijskim pregledima i/ili dostavi svoja zapažanja u toku inspeksijskih pregleda.

### Član 3.

Imenovano lice odgovorno je dekanu Fakulteta za provođenje mjera zaštite na radu i dužno je redovno izvještavati o uočenim nedostacima, preduzetim aktivnostima i stanju opreme.

### Član 4.

Poslodavac je dužan imenovanom licu obezbijediti odgovarajuće osposobljavanje, stručno usavršavanje i edukacije iz predmetne oblasti a u skladu sa Zakonom o zaštiti na radu.

### Obrazloženje

Članom 44. Zakona o zaštiti na radu propisano je da, kod poslodavca koji zapošljava 30 ili više radnika, povjerenika za zaštitu na radu biraju ili imenuju radnici poslodavca, odnosno Sindikalna organizacija poslodavca ukoliko povjerenika nisu izabrali radnici. Imenovani povjerenik za zaštitu na radu ima ista prava i obaveze kao i izabrani povjerenik radnika. Dana 29.05.2024. godine održana je Sjednica sindikalne organizacije Farmaceutskog fakulteta sa tačkom dnevnog reda o izboru povjerenika za zaštitu



na radu Univerziteta u Sarajevu- Farmaceutskog fakulteta. Radnica Mediha Čubro, raspoređena na radno mjesto samostalne više laborantice, predložena je i jednoglasno izabrana za povjerenika za zaštitu na radu.

**Pouka o pravnom lijeku:** Protiv ove Odluke može se izjaviti žalba Upravnom odboru Univerziteta u Sarajevu – Farmaceutskog fakulteta u roku od 15 dana od dana dostavljanja Odluke imenovanim licima, u skladu sa Zakonom o upravnom postupku Federacije Bosne i Hercegovine.

Akt sačinio: Kenan Čolić, dipl. iur., [redacted]

S aktom saglasna: Prodekanica za finansije, prof. dr. Elma Veljović

Sekretar Univerziteta u Sarajevu -Farmaceutskog fakulteta potvrđuje da je Odluka u skladu sa zakonskim i podzakonskim propisima koji su na snazi, te da je Dekan Univerziteta u Sarajevu- Farmaceutskog fakulteta nadležan za donošenje iste shodno članu 71. Zakona o visokom obrazovanju („Službene novine Kantona Sarajevo“, broj 36/22 i 28/25), Maja Skopljak, MA, dipl. iur. [redacted]



Dostaviti:

1. Imenovanoj,
2. Sindikalnoj organizaciji Farmaceutskog fakulteta,
3. Web stranica FFSA,
4. Sekretar Fakulteta,
5. a/a.